

建昌府志卷之二十

人物志

孝友

石三郎

在晉稱為孝子在後世祀為福神

今南關過渡三里許有坊書石孝子祠內有碑記其神

朝冠朝服像貌儼然

萬曆南城縣志

江白

南城人舉進士官至職方員外郎

父禹錫有節義高年不仕躬自教授真宗嘗賜以粟帛

父卒負土營葬廬於墓側晝夜號泣將終制有甘露之

建昌府志

卷之二十

孝友

異事聞賜粟帛

一統志正德郡志

過昱

字彥明南城人舉進士官至都官郎中

性至孝母沒刻不為像事之父沒水漿不入口者累日

慕之終身

一統志

父一日大慟家人與昱驚恒且視且問

故徐曰吾無他也念吾事爾祖自謂其禮已盡今見兒

事吾始悟猶未盡故不覺感恨而悲耳

淳熙正德郡志

王瑜

字君玉無咎父南城人

少貧窶事親盡力未嘗佚遊慢戲以棄一日亦未嘗屬

志變節以辱於一人故雖蔬食水飲而父母有歡愉之

心徒走而縷而鄉人有畏難之色王介甫撰墓志

鄧約禮字文範號直齋本南城人李浩以子妻之遂家臨川由進士官至常德府推官

平生學問根本於家庭而孝弟慈愛之風達於鄉黨端

慤純正從象山學嘗為江州德化丞兩攝邑葺理凋弊

得民心再調常德嘗語人曰某得一官但能少濟諸貧

困兄弟尋卒於官以子貴累贈中大夫撫州舊志

元

高必達

五歲時父明大忽棄家遠遊莫知所之必達既長晝夜

建昌府志

卷之二十

孝友

二

哀慕乃娶妻以養母而歷往四方求其父十餘年始得

之黃州全真道院中學道三十年矣必達叩頭哀號乞

歸父不得已乃還家孝養篤志鄉鄰稱之一統志○正德郡志

黃覺經字一貞南城人

五歲因亂失母稍長誓求母所在乃渡江涉淮行乞而

往衝風冒雨備歷艱苦凡三十八年至汝州梁縣得之

至治中旌表門閭一統志○正德郡志

潘烈字孝民號一巷南城人

師吳康齋氣高行古力學固窮自幼喪父少長事母以

吳懷英 號蒲石 南城人

九歲失父母以疾廢與妻設椅擔于庭鄰人失火英負母避風旋反居得不燎母卒廬墓三年行年七十不以

老廢禮 南城縣志

羅 鈇 字明衛號愚丘南城人 南京工部營繕所所正

父增被族人經獄連連繫獄成鈇七上書以非例格不行再詣闕泣不絕聲御史大夫汪鋹憫之為代奏迺出

增計事始終凡三十六年備嘗艱苦後歸養終

丘 震 字騰宵號月塘南城人 由舉人仕太平縣知縣

建昌府志 卷之二十 孝友

四

事母湯食必躬進遇有疾不翔不櫛居尤溪任教職言

笑不苟而德意藹然 九谿志

朱懷德 號朴軒 南城人

創立義田設家廟修先塋定祭儀盡力三十年立成家規長幼翕然相行乃卒族人置田祀之 嘉靖郡志

潘 傑 字仁英號鷲山 南城人邑庠生

棄功名而歸養寢苦塊以居廬猛虎聞哀而徐退大疫死而復甦且又竭力以扶族姪之孤捐財以濟鄰里

張魯 號山泉文僖公從子南
城人嘉靖間邑庠生

勿讀書至西銘民吾同胞句即以仁為己任因於郭西

買地數畝建山泉書屋中為祠堂義塾義倉藏書閣 按巡

學使榜其廬
曰孝義之門

鄧維垣 字方石南城人
嘉靖間歲貢

父祿好濟人之急為之轉貸其後人輒負之因賣已田

以償祿卒償猶未已君悉力償之有一妹在室母寧氏

臨終囑曰若為我厚貲遣之吾目瞑矣時家窶君勉從

母命稱貸為奩資累年而後償族有爭競者君為正名

建昌府志

卷之二十

孝友

五

分因召諸父立家約自是規矩肅然終其身族無爭鬪

者 副使羅汝
芳撰墓志

朱軾 字器之南豐
人房州司戶

從曾鞏學性寬平輕財急義悉以祖業讓弟軾獨取故

居曰此先人廬不可失也鄉民熊禧饒華負官逋軾傾

囊濟之得不死後人名其樹為陰隲樹 一統志

孫瑞 字履祥南豐人
登第翁源知縣

弱冠受學于真德秀深明義理一日得疾日以疾死不

恨只恨不得歸別母耳疾愈再調翁源令為政清簡民

安之

瞿元肅

南豐人

四世同居家百五十餘口父母均慈子孫盡孝兄弟友愛婦女勤事父歿兄弟六人廬墓盡哀有司聞于朝詔旌表召元肅入見賜御書六十二軸復其家

趙由儕

南豐人

臨川虞公伯生嘗云集與儕有千載世外之交信其內行淳備故知其事親者非止其旨之奉溫清之儀而已臨川吳草廬先生讀其述祖思親之詩而嘆曰直哉所

建昌府志

卷之二十

孝友

六

發哀而不傷此古之作者非常人所及也

載虞集學古錄

吳

駒

字彥驥南豐人

父潮宗傭里人孫乙家里胥彭文傑縛孫乙去潮宗率諸子毆文傑致死法坐潮宗彥驥曰吾父老矣吾弟幼且無後自詣理曰死文傑者彥驥也令憫而代之孝子曰侍父獄中朝夕起居猶荷校而立父出獄人曰孝哉吳氏之十乎或有感而泣下者史官曰世以孝聞者或割肉一臠廬墓三載選選精變天地誠動鬼神况以身

代死若彥驥者乎

羅一峯撰本傳

曾

瀚字元沛
南豐人

正德九年流賊破縣瀚負繼母出迹中途疾作賊追及之瀚抱母泣告賊釋母執瀚去且行且泣賊笑而給之曰母已死昨所矣瀚慟哭欲絕賊贈以三縑遣歸奉養

劉公履

字克彰
南豐人

公履生而遺孤痛母苦節奉養皆踰恒情母疾則嘗糞甜苦歿則臥廬墓傍不肉食者三年竟以哀毀卒
正德郡志

楊

旻
字仁淳南豐人歲貢

賦性淳厚學問該博應貢入監乞假終養事必稟命新

建昌府志

卷之二十

孝友

七

不先嘗應物接人言動有理

南豐志

吳

縫
字子縈南豐人庠生

性篤孝友兄弟七人義不分異父病便閉醫云可吮而通縫如其言母病亟為嘗糞甜苦且慷慨好義與曾猷相友

祝錫胤

字貞元南豐人

乙酉潰兵掠南豐偕父抱祖母出走力疲弗前事急父揮之不去有頃皆被執痛哭請以身代遂遇害而祖母暨公免于難

江士寬 字用毅號密峰新城人

初豪俠自負後師事鄧台峰講學讀書力行古禮事其母必夫婦侍饌畢而後已食母或他往必兄弟自肩之晚年學益進為詩有萬事發來幾不忒一丸光滿笑生春之句

李嘉祐 新城人

喪父事母必咨稟而行母年九十卒哀號勺水不入口者三日絕而復甦三年之間非奉祭祀夫婦未嘗一相見服闋每忌辰必齋戒朔望必詣塋拜掃

建昌府志 卷之二十

孝友 八 新城一

余永壽 新城人

家貧授徒養母母死三年却酒肉結廬墓側日泣號泣鄉人惡之燬其廬永壽復覆以終三年

李綸 字廷言新城人李泰子

父年九十晨夕承歡敬養不怠居喪廬墓三年不肉食族戚貧者日就食其家不厭

王瀨 字清宇號進齋新城人益之子舉人終河間府教授

天性純孝領教職陳情乞便養授零都教諭再補福建懷安所至師道端嚴才傑興起冢宰王鄒知其學行特

薦陞河陽府教授以淑其鄉聞父訃幾卒于官孫達事寡母亦以孝聞陳叅政敦請教其子閱半載念母告歸幣禮再至以晨昏闕侍力辭不赴

登植 字宜春新城人義曾孫元錫父

少豪任多才技已乃棄所宿好篤信義讀書交友父病侍湯藥旬月不盥櫛不解衣帶與弟共增祭田正祭儀定家規約族眾于仁禮兄卒哀號委頓終喪不設燕會郡守曾璵嘗書尺往來稱南山孝子

裘獻 新城人崇皮

建昌府志 卷之二十 孝友 九

父志高患足疾不能行每日負至市肆具酒肉飲食之晚則負以歸事繼母陳孝謹無二

陶亮 新城人業庖

事親力盡孝養父母歿皆年八十廬墓終喪每朔望必往省歲除必宿墓所哀號嘗虎過其傍而不傷

涂懋政 字西麓舉人柳州知州

家貧父老膳必甘糲出必乘輿每枵腹以食異人直歸則身秉炬以逆風雪不廢母病刲股以羞尋愈兩院欲疏聞泣辭乃止守柳民有訟兄者聞公之風感泣而退

何

宗

字本茂廣昌人尚書文淵長子

好學能文嘗脩輯邑志不樂仕進省冢宰公于溫州布衣繩屨往返數千里與諸弟居每舉聖賢之學相勸勉居父喪哀毀縣人有誣以罪者下錦衣衛獄奏覆得白遘疾卒

廖秉綬

廣昌人

性友愛五世同堂嬾入門無敢言分異者衣製無專有便隨長短服之成化間一峰羅先生寓邑高其義乃造其廬言于有司旌其門曰雍睦復以文揚之

建昌府志

卷之二十

孝友

十

曾

椿

字廣昌人舉人

博極群書家雖貧而孝養竭力父母疾侍卧床地瘳而後已弟極梧皆其造就

王

衡

字廣昌人邑庠

母卒哀毀骨立朝夕一溢米寢枕處塊為之刵越小祥猶不啖葢鹽因以疾終縣令黃德純表其門

饒

衡

字廣昌人

執父母繼母之喪皆盡禮不如葷酒不離苦塊者九載弟以租逋繫獄衡棄業代贖其罪族叔某貧困無依夫

婦俱流落勉力請歸供贍至老如一

正德 鄆志

李

鐸

字 廣 昌人邑庠

長兄松父外處鐸迎歸而養撫次兄栢二遺孤教養如
已子比卒無嗣貧不能殮縣令梁榮助以棺 歐陽義

重存孤子司馬情真篤老兄

王素節 輓詩

揭

容

揭文昭 家僕

容不讀書而孝敬出天性或得佳味必歸獻主次及母
母死遂辭主廬墓上容父先是出亡喪畢誓曰若不見
父雖天涯吾往乃刻其親像載于首衣襖跣足無間寒

建昌府志

卷之二十

孝友

十一

暑自江而浙歷荆襄過建業直抵燕遼行丐于市歷幾
歲竟不得人咸哀之後有毛普聖者父棄家遠遊普聖
既長娶妻養母脫身獨出歷訪其父得于岳州迺歸

何學恂

字 遵信 號 涵斐 廣昌人 恩貢 贈 提學 副使

生未彌月即失母王父平山公不甚嚴督而檢押端重
事庶毋撫庶弟故敬無間言均產時祖母胡欲溢予產
力辭不受子三省于粵署稱觴為壽泣卧不起曰吾不
及見吾母邑興城工督視必親出入必謹又醮產倡賑
立圖南社秋熟貯穀入倉荒則捐價出糶今活不貲

整以故且索酒整大驚追魚人數里返之酬以直又飲
馱醇酒曰汝所欲酒而已何嫌而厚我以歎寒人為

呂灌
園集

傅汝舟

字曉窓
南城人

讀書好義志尚詩禮欲紹先世令名乃立英試詩會聘
請鄧秀實輩師校之一時作者雲集

景泰正
德郡志

張文質

字中甫南城人
尚書昇之父

初寒素時嘗於郭東旅肆偶獲一囊頗重意人遺金守
侯抵暮竟無人至乃命僕負歸啓視果白金五百兩翼

建昌府志

卷之二十 篤行

十三

日仍至故處候之忽有老叟逐一少年散髮血額倉皇
入肆公詰之蓋遺金者之父疑子妄費欲箠死驗金數
相符悉還之其父子欲中分公曰吾利苟得則不於此
候爾矣

墓志

彭子安

南城人

朴野有古行世爭以迂目之然嘗題画龍詩曰何當一
躍上九霄翻倒天瓢澤下土知言者謂子安非真迂也

正德
郡志

洪敏

字士德號松窓南
城人成化間人

幼家貧自耕種力食少長聞康齋吳先生倡道遂踰在
往從之三年而後歸歸則卓然樹立動必師古經書俱
成誦郡侯及諸鄉達爭延以教子弟立師道嚴而有禮
孝養母氏處兄弟鄰族禮法肅然近里淫祠悉火之以
絕其端家人勤於職業雖童稚無敢遊惰者里中今遂
成俗

布政張恩文撰
嘉靖郡志

吳

璠

字時用號止菴南
城人弘治間人

少受學士德洪公志向即知慕古終日簡默有言人之
短者公不答徐曰吾輩莫亦有此人多愧服有詩名一

建昌府志

卷之二十 篤行

十四

三

時有司鄉達咸造其廬性安恬淡嘗有句曰若教風通
書聲去恐惹人將物色來

嘉靖
郡志

萬

實

字士確號青
溪南城人

平生以古道自期與昆弟自相切磋以挽俗還古為念
脩族譜不惜勞費所著有家禮節要異端辨畧歷象氣
節圖月蝕虹霓辨嘗舉都邑利弊于邑侯曹公如旌節
義敦禮教革淫詞禁刁訟數端大有關於風化公嘉納
之禁婦女佛會族人迄今不敢犯墓志所稱學宗濂洛

闕閩殆非溢美也

進士許洛
撰墓志

嘗欲負西江陶器於北方既而不果

酒既愛自矣問將何之其人曰欲效君

不可吾聞北方新有災饑此物必不時

豈宜不告以誤子其人即取錢去居鄉

一介不取妻子困于饑寒而拊鹿孤惇

介潔非

唯恐失其意

史本傳

鄧儉

字秉節號森齋南豐人

博覽書史敦古古道建立祠堂冠婚喪祭一遵家禮不

廷昌府志

卷之二十

篤行

十五

用浮屠人漸化之

魚

猷

字嘉號裕齋南豐人庠生

性質嚴毅自少慕古其文行不與時類食不重肉寒不

衣絮議論動止矜矜如也將貢被黜不少介意讀書山

室浩歌自得

趙璽

字允用南豐人官海州判

朴野有詩學動必倣古為庠生常議貢於後進羅一峯

作詩以美之老儒興揖讓俗事正紛紜東魯璽名教南

豐得此君許身齊稷契清夢見華勲翹首睎江上軍峯

秀不群 羅一

峯集

湯邦翰 字良甫 號純齋 南豐人 舉人 祀縣鄉賢

事祖父母以孝聞撫二孤姪讓以餘產有宰牛者縣罰

金為公車費公還其金勸以改行卒為良民將謁選見

守令事上屈抑志不得行曰吾豈能隨俗俯仰自負所

學乎遂終身不仕好讀性理大全及陶詩雖晝期手不

釋卷

趙郡 字子卿 號濟川 南豐人 舉人 宦至兩淮 運判 在浙江平陽名宦 祀州縣鄉賢

初令浙江平陽有邑豪葉姓者因積逋捕悉航海為盜

建昌府志 卷之二十 篤行

公諭以禍福葉感悟詣縣請死蠲其罪補泗水捐俸立

義倉又置官舍以居流民時有內侍進香泰山肆虐聖

裔公力為護持權璫為之奪氣風力凜然舉卓異判兩

淮巖政條陳時務六事巡鹽胡公嘉之時講學者方以

精神為道 樂為學同邑人李經綸獨以天理為道

求仁為學 銘曰以誠敬存心以法度律已以秩序

獎倫以 躬達以中正嚴取與以學 精微

世 太學稽中 道

黃文海

字子觀號瑤琴南豐人歲貢教諭

綜核時務諸邑侯多諮訪之尤留心學宮著豐庠條議後學矜式以其有功學校春秋頒胙於公子孫創宗祠甲族規講明鄉約承父環山公志著環慶堂集傳世

趙

京字禹門南豐人中書舍人加太僕寺少卿

侍母疾藥必親嘗撫孤侄如已子戊寅邑封山妖賊倡亂向邑侯林公陳方畧出橐金三百穀千石倡義請師豐人同心助之始有固志賊平督撫石帆解公嘉其績修先塋立家廟倣古大宗小宗義戒諸子以不惑婦言

建昌府志

卷之二十

篤行

十七

為友愛第一義享年八十有八

湯紹中

字愚公號恪素南豐人進士

少有文名敦古學登第後改號長潛山人名其室曰醉陶居順治八年起用山林隱逸巡撫夏公疏薦因年老未赴享年八十有六共推有道君子

黃汝榜

字可登號簡元南豐人歲貢撫州教授

為諸生時授徒澤心寺離家十里母病暮必歸侍疾達旦晨更詣館如是者數月幼弟徒屠他里病疫昏夜冒雷雨逐電光行二十里赴訣竭力襄弟與弟婦兩瘡面

後返族人訟鬻祭田公得歸田歸

公贖田歸祠之義

彭士拔

號圖南南豐人邑庠

秉心仁厚識度淵宏少孤事兩母至孝聰敏好學篝燈繼晷手不釋卷恬淡惇篤不尚浮華待人接物煦煦和易未嘗有疾言遽色教子成名愈務謙約出入布衣徒步與寒素時無異

李

實

字維亮號杏園新城人泰之祖

舉孝廉以親老辭不就客廣東同輩黃成昭卒于途為

建昌府志

卷之二十

篤行

十八

負骸歸還其子縣令陳員韜舉為耆老鄉有是非咸質之

陳文義

字靜庵新城人泰之曾祖

寡言慎行敦朴好禮治家嚴肅鄉人稱為廉靜翁晚年服古衣冠與邑人許文郁涂應如謙如黃昌民涂維濫陳允良劉碧湯成浩結十老會以詩酒相娛樂邑令呂讚郡守謝士元皆待以賓禮贈以詩卒年八十三

程

輅

字伯衡自號東臯處士新城人

隱身厚德未嘗輕入公府精書札尤長篆隸

捐繼可 廣昌人 元時人

以體用為大本以踐履為實功子弟有過泣而道之改而止親之也鄉黨有未善委曲而道之改而止愛之也

揭傒斯撰 墓誌畧

陳伯賢 字 廣昌人 洪武初薦不起

精於易學尤長詩賦教授於鄉以收放心養性情為用工之本忠孝仁義舉以範俗人有爭訟論以義利得失罔不心服咸稱之為宿儒也

何喬壽 字 延齡 廣昌人 尚書文淵子 舉人

建昌府志 卷之二十 篤行 十九

以博學名於時聞一峰羅先生倡道壽延而師之一峰剛介寡合獨愛壽誠切留居十餘年一峰歸壽以身為教四方學者皆輕千里而至

幸 寧 廣昌人 貢監

嘗讓貢于友友酬之金弗受家無宿儲而操行益勵事尤有類于魯男子者人咸以清風高節許之

揭 明 字 廣昌人 舉人 富陽訓導

鯁直寡合尤嚴禮法雖言笑未嘗假人教授生徒每惇古道鄉人有失禮者即面折無異語

劉承恩 字念初號石屏廣昌人邑庠祀鄉賢

束修散諸窮乏且代人償逋曠野拾囊金候其主歸焉

文學

陳彭年 字永年南城人宋進士官至其部侍郎卒贈右僕射謚文僖

博學強記詳練儀制真宗器重之一統幼好學母愛之禁

其夜讀彭年篝燈密室不令毋知貴至通顯奉養無異

貧約所得奉賜惟市書籍宋史本傳平居手不釋卷雖宴飲

諧笑而屬詞不輟頃刻文成未嘗扞思祥符後典舉之

禮無不參預章聖留意文籍多別殿訪對或手扎臨問

建昌府志

卷之二十

文學

應答詳辨至有曠古未行之事皆從宜裁制焉淳熙郡志在

翰林十餘載皆文翰清秘之事人謂其署為一條水出國

老開

危拱辰 字耀卿宋進士官至光祿卿

年十四代父為吏題初月詩令尹異之令專儒業一統志

詩曰未審初三夜嫦娥怨阿誰懶開十分鏡祗畫一邊

眉舊志

吳奎 字成象南城人

三歲能詩六歲能歷覽子史五行俱下目不再視

是左遷上命公立班特在六侍之上朝論榮之

舊志

陸坦 字坦之南豐人

博學多聞過鍾陵見南豐先生皆器之先生嘗曰里中士日過吾門惟以得相熟坦之為喜吾子益奇才也

舊志

蔡柟 字堅老南豐人

負才氣有有詩名嘗謁韓公于蒼駒令賦新荷公即吟曰朱欄橋下水平池四面無風柳自垂擬是水仙吟意
懶碧羅箋卷未題詩

舊志

建昌府志

卷之二十

文學

二十一

湛祐 字自求號桂舟南豐人

古貌古心耿介寡諧蕭然萬山中窮經博古文宗左氏班馬詩宗杜黃時號大詩人者皆推讓之每一篇出江

湖傳誦而律體更精咸謂唐律

舊志

劉揆 字信翁號方石南豐人張淵微薦授國史院校勘

公時七十餘矣既入館分校列傳未上而卒

舊志

黃載 字伯厚南豐人官至知州

明左氏春秋筆力瀾倒貫穿百家晚年用平寇功補官鄭丞相清之趙尚書以夫惜其不第力引之知封州以

之鄉家也 取諸 而思之也 其方

解詩孟子今 十萬言書 成 新說亦出嚮又取而

讀之頓脚大笑曰 比得呂南公愛其文

南公數稱吾子然 未相見 子與南公黃曦皆秀

出吾鄉一時之俊惟強於自立使可愛者非特文辭而

已 曾南豐與嚮 書正德郡志

黃 曦 字耀卿南城 人宋進士

文章典麗度越時輩 舊志

吳 穆 南城人皇祐癸巳推恩進士以 文學賜出身任柳州柳縣主簿

建昌府志 卷之二十 文學 二十三

為學刻苦自勵書未嘗釋于手所為文辭牽聯裁截曲

中繩墨性寬平修謹每與之接言語不妄肆而欣欣和

易以致其恭故無貴賤疏戚皆以公之為人可愛也 舊志

傳 野 字亨南南城人任定 海尉後徙居新城祀鄉賢

父番範以孝友稱事母為便戶夜必起問安否割股療

兄疾李觀志其墓野幼有立操屹狀慕古豪傑風王韶

為建昌司理薦於郡守充軍學教授韶受命取熙河奏

為熙學教授韶還朝論事即言野有文章學術而老願

補東南一官上可之調定海縣尉野所為文章號通臺

二十四卷鄧潤甫為之序

淳熙郡志

傅 權

字次通南城人宋進士建寧觀察推官

義高辭美足下之才可謂傑出自強不已則道德之歸

其孰可禦

魯南豐書

同時有傳翼者李觀門人亦好能文

童宗說

字夢麟南城人宋進士官袁州教授

吾家小阮千里駒眉宇照人自秀整平生尙友康山陶

拔俗翩翩有高騁

亦愛堂詩

有柳文音註行於世極其審博

稱善本焉

正德郡志

陳公衮

南城人治平中以神童召試政和戊戌進士

建昌府志

卷之二十

文學

二十三

太守黃師道有詩贈之曰玉皇詔我司肝城下車期年

微政聲惟得奇童穎川子年始七歲業老成手揮椽筆

書大字口誦五經富強記若非祖德積餘慶來裔安能

具神智一見降羨增嗟吁寄言昭武元正夫長歌大軸

貽褒贊比儼劉晏李泌徒近來詩思復清峻辭贍格老

實奇俊居常視此一精奏達帝聰彰聖運古廟激賞

人中祥俞也登政事堂臨軒殿召入對 篤俄聞

千上 各台 切佳久在 明主

李秋芳 字文敏觀之後南城人

七歲能屬對十三能文十八拔幟場屋上天子國歸
疾取象山語錄讀之悵然有得謂如是讀書方不枉力
疾革所親問焉荅曰天也引手揮婦人勿近恬然拱手
而逝 舊志

黃 綱字南城人

神清質敏弱冠詩文無異老成元臨川余實翁作性善
說尊陸子而非朱子綱為逐節辨明之時稱為朱子忠
臣天不假年而卒于旅 舊志

建昌府志 卷之二十 文學

江學庭 南城人仕元至國子祭酒贈莒國公謚文正

文章事業推重當時後進仰之若山嶽然 一統志 才優學

博該貫古今海內宗其道 景泰正德郡志

鄧茂生 字秀實南城人

明經博史以至諸子百家之書陰陽術數之學無不研
精至理學者宗之一時記述金石之文多出其手至今

人稱秀實先生云 景泰正德郡志

元

黃叔美 字河清南城人

隱居町南山中其為言憐物移不疑滯於物有集行

于世揭侯斯為之序其先仙宋為登聞檢院兄叔敬亦

以文學知名于人景泰正德郡志

鄭綱字光遠南城人元進士永豐教諭

性穎敏詩不肯多作一出口必清新俊麗識者稱之居

高空山虞邵庵常留題其居開窓吟眺一目百里天狀

之趣悠然之樂前後盖一致也景泰正德郡志

明

吳毅字尚志南城人明初徵聘官至典簿

建昌府志

卷之二十

文學

性敏學賡洪武初徵拜博士典籤預修大明律令尋致

仕歸教授鄉里為文古雅不事雕琢學者尊為學海先

生有學海集王文忠公嘗記其齋稱其老而好學云正德

郡志

王伯昭南城人其先恒山人

學賡才雄文光燁然大江之右未能或之先也詳宋濂溪撰恒

山精舍記正德郡志

聶思敬子述之後以薦授南城縣儒學教諭後登洪武戊辰進士改名任官御史

洽春秋長於吟咏務為淳朴之行以文學鳴世歷學官

二十餘年循循善誘啓迪良多舊志

江文海字會龍南城人洪武初用薦官至禮部侍郎

廣學多覽著書一卷自歷代制度古今治政人物賢否

靡不具載名之曰博約考學者傳之舊志為學好深沉之

思持辨博之論以實踐為功不事浮靡正德郡志

徐諒字子直南城人洪武初本學訓導

貧而好學為詩宗杜少陵其所述作有唐代遺音諸生

翁從以其為徐孺子後故稱之曰南州先生景泰正德郡志

張士達南城人

建昌府志 卷之二十 文學 二十六

博學善記長於文章洪武初赴闕上萬言書出使西域

沒其為文章氣骨雄偉議論滂沛見者竒之景泰正德郡志

吳清字望明號養素南城人

博學能文克世其家王文安公集襟宇和易不設防吟信古

好義慎行如處子天分極高經學師聶子嘉數學師黃

筠窓琴師嚴翠微醫師張燕山俱能造其闔域所為詩

文醇厚不華有德者之言左贊撰墓誌俱正德郡志

程南雲南城人永樂間以能書徵與修承樂大典授中書舍人累官太常卿

尤精篆隸為時所尚一統志侍書經筵小心慎密始終不

渝論祭文

左贊字時翊號桂坡南城人進士官至右布政使

公豪邁不羈至其為文謹繩尺崇理致讀之溫狀可愛

尤精於隸書端重奇古得二蔡筆意憲宗嘗覽之稱善

墓表初公學於姚文敏又受知於李文達二公秉鈞衡人

謂公且大用狀公內和外剛議論是非不肯少假借以

是為當道所忌何椒丘集

鍾掄字元禎南城人鄉進士

大江之西二人而已吾不如吾不如張僉事誌卷批語

建昌府志 卷之二十 文學

羅儼字大觀南城人

博洽善屬文有詩名從戎廣東闔帥多賓之藩長貳往

往造其廬至忘上下分有詩行于世若黃鸝不管春歸

去隔葉教聲清畫長誦者輒稱警句羅玘撰小傳正德郡志

金章字文煥號鳳山南城人其先武進人益府群牧所千戶

金鳳山具文武林有所制弗究于用而奇正逸宕卒發

於詩近有傳其孝感事蹟者余因知其詩之本也少卿憂良

勝撰詩引孝感堂者金鳳山以身代母堂也言孝而繫以感

者著得請也近里中朱叅軍歸自田州云鳳山竟以詩

名鄉進士考感
劉源撰堂記
夢裏尙驚予論道山中正喜子談詩
閣

夏言 獨有可人期不至老懷觸處是相思
待詔文徵明寄詩

左海
字伯川號東瀛城人棗陽縣教諭

博學善記以五經授徒人稱左五經初任黃州大府委

以盤錯迎刃而解所著有東瀛集黃州門人梓行之有

五經節補治安策二十條東橋顧公採行其三之二車廷

松撰墓誌

張挺
字長卿峇子南城人

博學能文與新城鄧元錫友善所著函史輒屬先生評

建昌府志 卷之二十 文學

次後學使侯公廣成見而嘆曰有潛谷先生之函史不

可無長卿先生之批評遂捐俸助刻後燬於火父子皆

以布衣入鄉賢郡人榮之
載府學鄉賢冊

鄭之文
字水濂号愚公南城人進士官至真定知府

高簡清峻風流逸羣任郡匝月致仕與黃貞甫曹能始

鍾伯敬王季重相友善著有鄭工部集愚庄藁襍劇甚

多若家三十年足不履公門門無雜賓

張以化
字龍軒南城人解元進士未授官而卒

領解試牘張侗初先生奉為矩繩及晚歲登第乃出侗

初之門互讓師弟子者久之時聲望藉甚將擬入中初
遽卒

丘時行

字馨喻南城人舉人江華縣教諭

微言澹旨引人入勝湯臨川嘗以清新庾開府俊逸鮑
叅軍許之黃貞父亦稱之曰標新領異真名士也尤鍾
情友于共讀南山有宋元獻子京城南寺之風丁卯同
弟時悅中副榜時憲登賢書著有三丘合刻行世太史
倪鴻寶序

余浣

字季生南城人舉人考授知縣

建昌府志

卷之二十

文學

二十九

正直侃亮貴賤皆嚴重之教授生徒每衡文之外必談
前輩人品當其意得深夜娓娓不自休故出其門者皆
成端士所著有南園集經解太史鄭道圭序曰深其息
于神明之表大其光于耳目之前人以為知言

陳允衡

字伯璣南城人御史本之子

詩譽滿江南其論詩以澹約真至為歸南州徐世溥謂
其人溫柔敦厚宜其詩風流蘊藉臨川陳孝逸亦云今
人作詩聲色臭味之務備伯璣聲色臭味之不存宜其
超絕倫輩所著有勤補篇幾部愛琴館詩尤工于評選

蒲翹

字楚淵號起代南城人

開朝康縣西

少慕昌黎自號起代其文亦有魚龍變化光怪出沒之

氣初易策論取士遂褻然舉首與成分校禮闈有一門

三翰林八經魁之盛諫垣焚草不欲沽直取譽

曾易占

字一疑南豐人致堯子舉進士官至玉山令追封魯國公

罷歸著時論三十篇略曰治天下先名教次省事次擇

人然後立制度信賞罰重號令務本以率之節用以持

之彝狄可以理服也盜賊可以術消也治道之本先定

建昌府志

卷之二十

文學

三十

其末亦從而舉矣議者謂其識治體

舊志

朱彥

字南豐人舉進士官至刑部侍郎顯謨閣待制

有小民曉出負販晝歸賊亦其母賊逃而遺亦在傍寇

既逸隣伍執其子告官鍛鍊誣服獄具公疑其冤索亦

推辨得真賊而出其子除太學博士嘗講羔羊詩詞旨

明切諸生刻石堂上公謝官表云揚舩數舍江山無跋

涉之勞持節十城兄弟有交承之幸工覽表喜其詞簡

盡盡一日語宰相張商英曰近日純帶文氣泥弊可共

一舉十人以聞商英首以公騰上曰庶言其文久矣可

川晏殊應江西賢良詔時年十一朝辭真宗甚優異之

三賜御書 舊志

謝升孫 號南憲南城人進士官至翰林編修

官翰林以文學鳴世朝野之士尊稱之曰南憲先生有

詩義斷法行於世 景泰正德郡志

鄧潤甫 字溫伯一字聖求南城人進士官至尚書左丞謚安惠

真宗時知諫院嘗極諫中人將兵及禁民畊墾前代陵

寢累官端明殿學士盛有文名 一統志 召復翰林學士兼

掌皇子閣牋記一時制作獨倚任焉哲宗立惟潤甫在

建昌府志

卷之二十

文學

十一

院一夕草制二十有二章倬議重謫呂大防劉摯潤甫

不以為然曰侯兗上為爭無何暴卒 宋史本傳 先帝北門之

詞客二紀于茲主上東宮之舊臣一人而已 修撰林希賀啓俱正

德郡志

余疇若 字堯輔南城人用薦任南豐學教授

好古博學慷慨有行義斯足以應周孔之指惟學者何

如耳 李旰江文集正德郡志

王嚮 字夢錫南城人

熙寧將以新術作興士類而丞相王文公父子實始受

劉麟瑞 號如村南豐人

炎祚當年去不還欲成良史恨無官一朝人物歸吟興
千古綱常紀筆端林下董狐堅直節山中杜甫老忠厝
後來多少偷生者掩面西風不敢看 王介甫選

朱紘 字梯雲南豐人登進士第歷官翰林院編修

少聰敏好讀書端謹忠厚里中老幼慕面知之有仕僊
稿 舊志

李良翰 字伯憲南豐人出廩生陞國學

建昌府志 卷之二十 文學 三十一

少穎敏博學強記為文立就詩賦得騷選躰坦夷不事
產業以孝友聞所著有郭凡等集 南豐縣志

李檝 字商卿南豐人

善為詩年八十餘吟筆不衰少嘗賦落花詩曰拾得紅
英不認殘殷勤更覓舊枝安情知不似開時好猶勝溪
頭水面看又曰明朝有約誰先到手拈花梢記月痕

彭良輔 號黼庭 孝友恭儉好古博學註釋經史寒暑

傅邦教 字南豐人

操履端嚴博稽典籍早年餼干庠未竟其用

張淵微

字孟博號平齋新城人宋湖北歸州人子淳祐丁未狀元官至侍郎

少穎悟日誦千言通五經尤長于春秋詩文操筆立就

先是數下詔崇雅黜浮至是延對萬言理宗親擢第一

時久不雨公率眾上言乞免瓊林宴詔從之時論稱焉

為人端質尚義以直節著卒于官

胡布

字子中新城人慶魁之孫寓南城

奇秀魁岸卓犖不羈敦尚志節博學能文詩律書法皆

號精緻嘗受業雲間楊廉夫與宋克為伯仲云

舊志

饒扞

字仕悅新城人以文受知于元吳潛薦為國子助教

建昌府志

卷之二十

文學

三十三

吳文正公嘗稱其文正行淳日為良士

文正集

程琪

字子相新城人

幼日記萬言久而不失詩篇敏給或以七步擬之年未

四十卒

舊志

黃肅

字子邕元時官主事入明陞工部侍郎轉尚書出為廣西叅政卒于官

弱冠喜著述王禕稱其古選簡質平實本于漢魏時方

稽古公討論潤色居多與宋濂王禕危素李質等以文

學相取為尚書嘗坐法當笞上曰六卿之職不宜以細

故加辱命以俸贖罪同時有童熙者字伯雍宋進士宗

說之齋亦工詞賦有聲薦授訓導有朱性者孝謹淹博
肅晚詩有避地依閩嶠才華不濟身故鄉無敝屋遠道
有歸魂之句必家貧客遊而沒也

劉

紹 字子憲自號締蕭野
人新城人國子助教

年十二應童子舉鄉先生張萬壘試以歲寒三友詩紹
援筆吟詩曰君子虚心問大夫梅花何事不稱呼梅花
細答松和竹識得調羹手也無諸老異之洪武中兼應
奉翰林文字與宋景濂徐用之諸公為友致仕歸自治
丘隴題其碑曰詩人劉紹墓 舊志 雲錦畫生題鳳筆風花

建昌府志

卷之二十

文學

二十四

晴點釣魚簑惟公自占滄浪曲着我扁舟亦不多

醉夢稿

江仲海

字會龍新城人洪武初以宋濂詹同等薦聘
至京試榮何天馬賦授禮部主事陞右侍郎

為文雅有古致明詩書兩經所著有光嶽鍾奇集

朱大中

字 新城人洪武初以薦召試授國子
助教致仕卒賜楮幣及塋 至官其一

少刻苦問學以古人自期于書無所不讀尤精于詩禮

皆有著述以發疑詩文亦工緻可觀侍從講書多所裨

益

一統志
正德志

朱

徽 字 文徽新城人登直德
貢士歷官同文知縣

幼稱神童屬文操筆而就詩文序記議論清新圖書畫

史出人意表居官才以處事惠以愛民有聲于時舊志
以節簡以嚴下筆成文皆有關於世教可謂不媿其家

學臨川黎
近序

王材字子難號稚川新城人進士南太常卿署南祭酒

長身嶽立風度端凝閣臣見而異之選入庶常官檢討
掌內閣誥勅簡重得王言體多雄深爾雅之文官南少
司成作太學志本祖訓列法守郭祭酒以爲不刊之書
家居自念身列侍從見肅皇諸明德大訓足程法者于
國大命討大典禮大災異若大姦大忠足爲天下繫者

建昌府志

卷之二十

文學

二十五

皆謹書之又念國家恬熙日久吏治苦窳典制蕩然于
是假邑志以一存當世之故得宋四賢及國初名碩詩
文存者類編之曰黎川文緒分校禮闈王弇洲其所舉
上也

鄧澄字于德號來沙新城人進士庶吉士御史

按蘇松時特薦楊忠愍璉事後服其知人其大者撤稅
璫罷織造補宮僚催考選弭象防邊諸疏而責成相臣
尤鑿鑿言之竟以鑿鑿忤相臣去黎公博庵讀其文集
以爲遠足紹圭峰而近亦不失方水相國也早工書法

晚益道勁著有吳門奏疏大隱堂清樞堂花溪西有
集卒年九十二從甥楊思本淵沉澹雅人文彷彿子雲
著書盈架公嘗爲之序極嘆古學之不傳而邑士之習
于時者衆也涂伯昌與思本友善以古文相切磋負笈
西湖從黃貞父受業三年嘗刻集名曰一杯水鄭道圭
典試拔之曰得子最晚賞子最深是必入深山見異人
讀異書者

連仲默

廣昌人
元時人

年三十尚未知學以裁衣取傭爲業主人盛饌向儒生

建昌府志

卷之二十 文學

三十六

而坐仲默于堂下食飲甚菲乃感慨棄業就儒十年經
史皆通宋元邑志皆其手輯

劉大千

字廣生號半菴廣昌人
副使大鞏幼弟舉人

文名噪一時築草堂顏曰意園大約絕無倣襲意至則
爲之榜曰未行先辦隱不卜卽爲居所著有枳木丸一
種自序曰今日學究枵腹無論間有書篋經庫無關短
長兀坐窮年不能豎一論長一識究竟膏盲只是飽病
難醫急須取吾丸子一服之晚以詩酒自放謂吾家伯
倫公榮皆酒仙耳遂自署酒佛一時名流韻士傳贊盈

帙兄大鞏有傳次兄大常字吉生號彰九選貢爲文慕
章大力幽深隱秀舉體神似其爲人多嘒而少可時稱
三劉

孫 奎 字啟文號曲澗
涇士瀘溪人

積學敦行二親繼逝哀毀踰節廬墓六年未嘗一履公
庭闢館舍以延四方學者居嘗喜吟咏每策杖曲澗泉
石間有得輒書之今傳有曲澗集史記辨纂堪輿家醫
書及孫武子兵法若干卷嘗辨饒廷直死于忠義正德
志誤入仙釋其言極干城名教

建昌府志

卷之二十

文學

三十七

武畧

周 迪 南城人梁壯武將軍高州
刺史持節封臨汝縣侯

侯景之亂鄉人起兵迪勇冠軍中衆推爲主朝廷以迪
爲臨川內史時民遭亂皆棄農業羣聚爲盜惟迪所部
獨務農桑各有盈儲政教嚴明徵斂必至餘郡之絕者
皆仰給焉迪性質朴不事威儀按繩破篋旁若無人訥
於言語而襟懷質寔人皆附之 綱目

周 敷 南城人字仲遠陳
都督豫州刺史

周迪倚族望深求交結迪據臨川之工塘敷鎮頃川

集義兵為之保障邑賴以安舊志同時有黃克已者亦集

少年授以兵法曰不久兵將起吾以衛吾宗也後果如

其言兄弟聚眾捍禦族里賴之

許德淵新城人

洪武初邑人僥馬妖僧周和尚謀叛將陷邑德淵奮勇

率義士躬冒矢石以摧其鋒繼得官軍平之沉毅果斷

出乎天性廉公有威人皆服之何舸齋撰墓銘

烈將附

楊清字建昌所千戶

建昌府志

卷之二十

烈將

二十九

正統十四年閩寇煽亂廣昌告急清統兵勦襲瀕行用

鳳仙花染脚指囑家人曰他日尋吾屍以此為識後果

死之正德郡志

鄧俊字秀夫建昌所千戶

正德間嘗隄備廣昌賊猝至并令掖去浹旬賊逼掖計

百出卒不屈環女色誘之亦不亂獲全焉姚源賊熾俊

奮欲自効凡戰數合皆利羣賊圍之百弩齊發馬陷淖

泥為賊所殺當道上其事優給其子正德郡志

李曼字廷潤建昌所百戶

之瓊甲四鎗死大中丞胡公疏其事曰李瓊慷慨奮勵
死猶執弩事尤偉烈得旨贈指揮同知其子陞襲二級

時有撫建守備王址饒州人戰死于新城與瓊共廟祀續志

李應陽字時泰南城人

隆慶二年襲職正千戶以督運功陞指揮歷任廣西昭
平副總兵府江叛徃蠡起督撫會題征討應陽奉檄而
往與眾共盟曰吾家世効忠貞今地方有變正我報主
時也若不全搗巢穴誓不生還提兵勦滅浹蕩平隨

建昌府志

卷之二十

烈將

四十

二

議善後屯設重兵悉心經畧披草萊築城池竟平于瘴
鄉三軍灑泣立祠祀之扁曰忠節祠贈都督僉事廕子
一級

翁顯字顯新城人明百戶贈昭勇將軍襲都指揮僉事

徐壽輝攻陷江右告其父曰賊勢日張郡邑將不免禍
若能預集義兵保障鄉間可以全宗族乃召募鄉兵屢
與賊戰敗走之明師取江右從溥降授百戶守漳州調
廣東右衛山寇房文廣作亂顯以前鋒力戰于矮嶺死

之詔贈襲武

諫

諫

字司忠
新城人

正德中廣東大帽山賊起糾集少壯操習為之備郡判
 蘭斌檄諫同郡賊諫率三百農兵援之戰于廣昌蘭駭
 奔遁諫被害死者二百餘人兵備道遣官致祭卹其家
 李大開 字皇求瀘溪人明崇禎丁丑武
進士歷官池州叅軍副總兵
 戊寅妖賊張普微倡亂身率鄉勇堵禦殲靖地方賴之
 後廢于陣

